

源彥良

〔職原抄下〕親王

皇孫親王，非常之儀也。然而近來及數輩畢，忠房親王爲三世源氏，被蒙宣旨，世以爲未曾有，但一向爲後宇多院御猶子云々，如此事不足爲例。

〔皇胤紹運錄〕後嵯峨院

宗尊親王

惟康親王

始賜源姓，從二位左近中將權中納言右大將征夷大將軍。

皇孫賜姓

〔日本紀略嵯峨〕

弘仁九年八月甲戌，四品明日香親王桓武皇子之男女王四人，賜姓久賀朝臣。

〔公卿補任仁明〕承和十年亥癸

非參議從三位平高棟

天長二年閏七月，父親王葛原頻抗表，賜平朝臣姓，貫左京二條二坊。

〔皇胤紹運錄〕桓武天皇

葛原親王

平高棟

大納言正三，天長二閏七月，賜平姓。

〔續日本後紀仁三〕

承和元年二月甲午，今夜三品明日香親王桓武皇子薨焉。中先太上天皇嵯峨在祚時，親王上表，自請除親王號，同之諸臣，不見許。更祈所生男女賜朝臣姓，感其懇誠，乃聽之。孫王賜姓從此競效之。

〔三代實錄清和〕

貞觀十二年二月十四日丙申，散位從四位下元長王，侍從從四位下兼善王，无位名實王，篤行王，最善王，近善王，音恒王，是恒王，舊鑿王，貞恒王，成蔭王，清實王，是忠王，是貞王，十四人，賜姓源朝臣。先是二品中務卿兼太宰帥諱光孝天皇親王，抗表曰：臣先請思息改姓爲臣，宸居悠邈，微願未信，竊獨

沈吟，心魂罔厝。臣素性頑疎，無分可採，而先公後私，一介之節，深企古賢之風。即今所申請，無比例，猶欲察其鄙誠，即賜哀許。況中代以降，多有此事。至臣一身，何空素望，仍重上表，敢陳丹慊。但先日表曰：女子